

在文川網搜索古籍書影 獲取更多電子書
docriver 文川網 古籍書城

中國方志叢書·華中地方·第一八四號

據

民國十三年鉛印本
陳培廷修，潘秉哲纂

影印

浙江省

昌化縣志

(一)

成文出版社有限公司印行



中國方志叢書·華中地方·第一八四號

據

民國十三年
陳培廷修，潘秉哲纂
鉛印本

影印

浙江省

昌化縣志

(二)

成文出版社有限公司印行



10098260

中國方志叢書·華中地方·第一八四號

據

民國·陳培廷修·潘秉哲纂
民國十三年鉛印本

影印

浙江省

昌化縣志

(三)

成文出版社有限公司印行



10098261

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第一八四號

據

民國·陳培廷修，潘秉哲纂
民國十三年鉛印本

影印

浙江省

昌化縣志

(四)

成文出版社有限公司印行



10098262

中華民國六十三年十二月臺一版

昌化縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

民國十三年夏

昌化縣志

知事曾國霖題



浙江印刷股份有限公司

浙江印刷股份
有限公司代印

續修昌化縣志序

粵昔職方掌輿地首重版圖太史觀民風廣徵文獻而各縣之山川人物四方之風土民情於是繫焉昌化縣志始創於明之嘉靖後垂諸清之道光其間修訂雖經三次流傳將屆百年鐫版已燬劫灰藏書僅存碩果迄今時局變遷風俗改革非再從事續修不足以資考證溯自民國八年起幸有陳前知事培珽創修於前李前知事芳鄭前知事維鈞維持於後又有許紳總司其事潘陳何童帥諸紳分掌協修章陳兩紳担任校閱屈指五稔纂修完竣寓目一新例如水利倉儲之計畫今昔懸殊選舉學校之規程沿革互異城鄉保甲或經編查而劃新區賦稅農田或報升墾而更舊

額天時物產或緣科學而資發明金石文章或因晚出而多記錄
以及新藝軼聞或事實雖微而才能可取稗篇野史或私家所有
而社會絕無廣事搜羅悉符紀事纂言之例藉資攷鏡端賴閎才
卓識之儒國霖來宰是邦獲睹斯志分門別類補闕拾遺付諸石
民已徧窮搜博探藏諸玉架庶能考獻徵文此皆前令提倡之功
抑亦諸紳訂修之力也是爲序

中華民國十三年歲次甲子季夏

署昌化縣知事江寧曾國霖謹撰



重修昌化縣志序

縣之有志猶國之有史史者紀一國之政教禮俗隆汙升降志者紀一邑之人文風土盛衰沿革其範圍大小雖不同而意義則一也昌志創始於明嘉靖逮清道光修凡數次道光修志之後迄今垂百年矣邑經洪楊兵燹志乘多已殘缺完本絕鮮矧復時移代易國體更新因革既有異宜今昔自多殊制不加攷訂而修續之將何以信而有徵民國八年邑令陳培珽集議興修規模粗具事未舉而官已遷九年邑令李芳繼陳之後竭力提倡賡續爲之稿將成復解組去後此以災荒見告集資維艱編輯人缺力有未逮遂無形停頓迨三次集議始推加協修四人分任其事今年春余

奉命來宰是邦甫下車士紳卽以續修縣志爲請因念九仞之山未可功虧一簣慨然應之然九年至今又幾更寒暑矣時事復不無小異設非再行採訪將必農田水利有失紀載嘉德懿行多所掛漏爰集紳協議續行蒐輯設局興脩仍照前議延聘邑紳許子昌言總其事潘子秉哲陳子益選童子聚沂帥子承緒何子崇楷任協修諸君子皆一時之彥文學優長潛心編輯不數月而蒞事分門別類綱舉目張考紀翔實洵足爲文獻之徵卽官斯土者發政施仁亦有所依據書成問序於余余不敏謹述其顛末焉

中華民國十二年歲次癸亥冬月新民鄭維鈞謹撰

再續昌化縣志序

昌化縣志明嘉靖萬厯間已有之傳至勝清康熙十二年創修於周侯頌孫乾隆十三年再修於甘侯文蔚道光三年續修於于侯尙齡迄於今又百年鉅版久不存存者惟康熙志一部道光志二部皮藏民舍浸浸乎希世之珍矣其餘皆斷簡殘編竟無完本長此以往歲遷月延并民舍所皮藏者恐亦散佚而不可久存堂堂都邑文獻無徵微特稽古者之憾抑亦守土者之責也矧今國體更新因革異宜其間戶口之繁興物產之滋長農田水利財賦典禮選舉教育官制兵備以及嘉德懿行異聞軼事有待於存古信今而傳後者何可勝數則賡續修輯之事誠不容緩矣予自己未

秋來宰是邦進請父老慰問疾苦并及於志乘僉曰某月已議修某月已設局其猶未能徵諸實行也予知其非得已也百載以來中更多故故老失傳聞之實私家無著錄之人益以地方瘠貧經費無措書體宏大彼亦一是非此亦一是非書曰言之匪艱行之維艱信矣乃集都人士開誠布公斟酌取舍先之以體例次之以事實再次之以部居又次之以摛節糜費而首捐薄俸以爲之倡予媿不文鞅掌簿書無多暇晷但校讐細事視予力所能及者誠不敢自專亦不敢自吝顧因陋就簡未克底于盡美盡善之域此其中誠有所困國多君子倘亦鑒予苦衷而少寬責備也歟是役也許紳佩章董其成實不名一錢而又慨然助百金吾知好義者

將接踵而起至於哀集纂組鑽研累月字字從華嚴法界中來則
潘明經濬之汪上舍頴川之力夫豈可揜哉屬稿既竟都人士問
序於予予不獲辭而述其梗概如此


時在

中華民國十年夏正二月

調署昌化縣知事高郵李芳撰



皇
朝
宗
室
世
系
圖



續脩昌化縣志姓氏錄

主脩

知事 陳培珽 李 芳 鄭維鈞 曾國霖

總理

許昌言

協脩

陳益選 潘秉哲 何崇楷 帥承緒 童聚沂 汪亦澄

監脩

鄭啟緒 陳作霖 陳士俊 朱承章 徐 發

docsriver 文川网
入驻商家 古籍书城

在文川网搜索古籍书城 获取更多电子书

採訪

畢成亮 阮安兌 方殿桂

戴鴻文 許鳳 徐步立 錢達 陳忠鉅

柴治成 徐惇治 朱受謙 童瑞麒 盛鳳翔

章宗達 謝重華 王之卿 陳一鳴 童傳驛

陳彭壽 梅品高 周郁文 戴高 湯祥鳳

校閱

陳紹舜 章紹齊

繪圖

方壯

昌化縣志凡例 新增

一邑之有志自明嘉靖迄清道光脩凡七次嗣遭咸同兵燹傳本無多考獻徵文殊非易易爰節錄舊志參以訪稿以示不敢妄作云

一舊志輿圖摹存不刪自全縣劃分四區繪增新圖注以圖說藉資參考

一山川類仍其舊而以特別著名及洪楊避難時與有關係者採入之

一水利塘以能灌百畝以上者採入堰以大溪經堰爲限壩溝舊仍並附錄浙江水陸道里誌以備考證

一田賦關係國計民生故昔賢志田賦悉遵賦役全書備極周詳吾邑自咸豐燹後檔冊無存凡百十五莊田地山場蕩塘無一能符定額往乘所載沿襲不刪藉存古制復增以民國改制徵收實數并雜稅之出入誌之以觀今昔之殊

一祀典首重尊孔次及關岳故誌之特詳其餘壇祠各祭雖未舉行悉存其舊不刪

一正貢以恩拔副歲優爲限自五貢外道光志添設廩增附貢一門今仍其例惟正貢按照科分捐貢按照年分而監貢不與祇以代遠年湮又遭兵燹不無遺漏閱者諒之

一畢業以中學以上及與中學資格相當者爲限凡辦學有工人

員附焉

一吏選以現任及曾授實缺者採登之虛銜不錄

一議員自清季以迄民國而省而縣而城鎮鄉先後選任者悉增輯之凡關於自治人員及得有獎勵者均附列於後

一節婦遵照褒揚條例以年在三十歲以下夫故守節至五十歲以上者爲確定之標準事實悉根據輿論不敢濫入舊志已載者仍附錄之不沒其遺徽

一耆瑞舊志體例甚嚴康熙間僅十餘名至道光朝已詳加二百數十人茲仍仿道光志例擇其年在七十以上者略加甄別亦愛人以德之遺意焉

一忠義保身易死義難洪楊之亂同時殉難者不可指數今就遺老所傳報案旌卹者列之藉以表揚其節義

一記序詩文歌賦之屬道光志各從其類而附誌之今遵康熙志式連同新稿編入藝文標明題目便於展覽並附書目金石典籍等類

一修志職員須循名核實概不濫登免貽口實達者諒之

昌化縣志目錄

山川疆域新舊圖 縣治舊圖 學宮舊圖

卷一 輿地志

星野 沿革 疆域 形勝

卷二 輿地志

山川 水利

卷三 建置志

城郭 公廨 凡關於行政者屬焉 學校 凡關於教育者屬焉

卷四 建置志

壇祠 坊巷 橋渡 亭館 與古蹟參看

卷五 版籍志

戶口 民團保甲附

土田

賦役 雜稅附 物產

卷六 風俗志

風氣 歲時 俗禮

卷七 禮制志

祀典 諸禮

卷八 秩官志

官制 職名 官績 行臺惠政

卷九 選舉志

科甲 貢生 畢業

卷十 選舉志

武功 武科附徵辟

封蔭

吏選 文職屬焉

議員

卷十一 人物志

戚畹 忠勳 政業

卷十二 人物志

孝友 義行 文苑

卷十三 人物志

列女 寓賢

卷十四 人物志

耆瑞 忠義 仙釋

卷十五 事類志

災祥 兵氛

古蹟 興亭館參看

丘墓

寺觀

卷十六 藝文志

文藝上 序 記

卷十七 藝文志

藝文中 記 銘 啟

卷十八 藝文志

藝文下

銘 贊 歌 詩 賦
書目 金石 典籍 藏書 附


全縣山川疆域新總圖說

按昌化古稱武隆宋太平興國四年改今名杭州舊府屬之一在省治西二百里地東界於潛南界嚴淳西界歙績北界寧國全境面積約一萬二千一百五十方里向分都爲十二其後併二于三併六于五仍十二都之名實祇十都都之屬有莊莊分一百十五鎮四曰河橋曰株柳曰頰口曰手窰司市四曰縣市曰栗樹溪曰赤石曰白牛橋燹後人烟疏落商業蕭條大有一落千丈之勢清宣統間籌備自治劃分四區以一二都爲城區四五七八都爲南區九十一都爲西區十二都爲北區境內多崇山峻嶺岡原盤錯北區面積最廣地鮮膏腴山以百丈龍

池著名城西兩區經路平坦豈嶺蘆關遙遙對峙洞其門以通
出入實徽杭往來之孔道南區則背山面水明媚可人川之大
者發源于北之小九華西之龍塘及千畝田東流曲折滙于巨
溪入城西晚溪名曰紫水南流至栗樹溪合茄溪經白下爲三
溪口繞柳相山達桐江以通舟楫行商便之民生其間農皆勤
樸士多彬雅工與賈則製造堅真懋遷饒裕而人文鵠起科第
蟬聯尤指不勝屈蓋自唐宋元明以迄清代孝子順孫忠臣義
士代不乏人知山川鍾毓之靈正不以地限也後之覽者亦將
有感於斯

城區自治疆域圖說

自全境畫分四區以來城區其一也以一三兩都屬焉按都之屬有莊莊凡二十有四村落如棋布面積約一千六百方里其爲扼要地者隆山環城治鍾毓特靈自治公所因設於此地勢如弓狀蘆嶺關屏蔽于東直達於潛折北袤繞黃花大塔界寧邑爲浙皖門戶綿亘而西石嶺華光天然界線南則一泓紫水若襟帶區內人烟雖不逮古而服賈力田經明行脩之士大都薈萃於斯居民客土雜處久則相安無畛域見物產祇穀米較饒諸區紙業尤擅特色其西北區所出木炭萸肉山核等產經此埠而運者繁盛則以白牛橋市爲最湯家灣次之縣市又次



docsriver 文川网
入驻商家 古籍书城

在文川网搜索古籍书城 获取更多电子书

之晚近百物騰貴俗尙不奢人多整飭搜尋遺蹟而葛井清流
箕山壁立是亦名勝之一區也夫

南區自治疆域圖說

南區以四五七八都組合而成形如半葉面積約四千二百方里莊凡四十有四全昌水勢趨聚於四五兩都交界之河橋分之則爲三溪合之則滙歸於一繞白山麓直達桐江其山脈遠接黃山近連千頃百丈鎮龍柳相鎖鑰全邑水口形勝商務獨冠唐昌故名唐昌首鎮自治公所規定於此東界於分西界淳歛層巒聳翠蠶叢鳥道曲折盤旋然無扼要關隘不足以資防堵洪楊之役由淳竄昌首當其衝民氣凋殘垂六十餘年未易恢復原狀因之客民紛紛盤據以四七兩都及外五都占大多數不似他處之純粹族居出產以黃茶山核爲大宗木料蠶絲